

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava Ministarstva zdravstva na poziciji „Tekući transfer neprofitnim organizacijama” – „Tekući transfer za udruženja iz oblasti zdravstva – Izvor 10“ Budžeta Zeničko - dobojskog kantona za 2025. godinu, broj: 02-11-12642/25 od 27.06.2025. godine i broj: 02-11-19715/25 od 31.10.2025. godine, na prijedlog Ministarstva zdravstva, Vlada Zeničko-dobojskog kantona, na 105. sjednici, održanoj 14.11.2025. godine, d o n o s i

O D L U K U

o odobravanju sredstava udruženjima građana iz oblasti zdravstva – maligna oboljenja

Član 1.

(Predmet)

(1) Odobravaju se sredstva udruženjima građana iz oblasti zdravstva – maligna oboljenja u ukupnom iznosu od 11.400,00 KM (slovima: jedanaest hiljada četiristotine konvertibilnih maraka).

(2) Odobrena sredstva iz stava (1) ovog člana odnose se na realizaciju programskih aktivnosti sljedećih udruženja sa područja Zeničko-dobojskog kantona:

Red br.	Naziv udruženja	Iznos sredstava koji će biti finansiran iz Budžeta Zeničko-dobojskog kantona za 2025. godinu
1.	Udruženje onkoloških pacijenata „Snop“ Zenica	6.000,00 KM
2.	Udruženje „Ona je svjetlost“ Kakanj	5.400,00 KM
	UKUPNO	11.400,00 KM

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24 i 12/25) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614300, subanalitika LAX017, pozicija „Tekući transfer neprofitnim organizacijama” – „Tekući transfer za udruženja iz oblasti zdravstva”.

(2) Sredstva odobrena Odlukom će se transferisati na osnovu ove odluke na žiro-račune koje su udruženja dostavila u okviru dokumentacije tražene ponovnim Javnim pozivom za odabir projekata udruženja građana iz oblasti zdravstva – maligna oboljenja, koja će se finansirati/sufinansirati iz Budžeta Zeničko-dobojskog kantona za 2025. godinu koji je objavljen 26.09.2025. godine na službenoj stranici Vlade Zeničko-dobojskog kantona (www.zdk.ba):

Red br.	Naziv udruženja	Žiro račun
1.	Udruženje onkoloških pacijenata „Snop“ Zenica ID broj: 4219256670000	1346011130001082
2.	Udruženje „Ona je svjetlost“ Kakanj ID broj: 4218756940007	1340011130015835

Član 3.
(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija, Udruženje onkoloških pacijenata „Snop“ Zenica i Udruženje „Ona je svjetlost“ Kakanj, svako u okviru svoje nadležnosti.

Član 4.
(Izveštavanje)

(1) Korisnici sredstava iz Budžeta Zeničko-dobojskog kantona dužni su izvijestiti Ministarstvo zdravstva o namjenskom utrošku sredstava dostavljanjem izvještaja o namjenskom utrošku sredstava koji pored narativnog dijela mora sadržavati i dokaze iz kojih se nedvosmisleno može utvrditi namjenski utrošak sredstava po kandidovanom projektu.

(2) Rok za dostavljanje izvještaja je 28.02.2026. godine.

(3) U slučaju nepostupanja prema članu 4. stav (1) i (2) ove odluke, korisnik sredstava dužan je odobrena sredstva uplatiti u korist Budžeta Zeničko-dobojskog kantona i neće moći učestvovati u eventualnim javnim pozivima za dodjelu sredstava u narednom periodu.

Član 5.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-20518/25

Datum, 14.11.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x Udruženje onkoloških pacijenata „Snop“ Zenica, putem Ministarstva,

1x Udruženje „Ona je svjetlost“ Kakanj, putem Ministarstva,

1x „Službene novine Zeničko-dobojskog kantona“,

1x a/a.